

隨州志

同治八年重修

同治八年重修

板藏文昌宮

隨州志卷二十八

僑寓

太史公曰富貴而名磨滅不可勝數惟倜儻非常之人稱焉士君子德行道藝足以式型一鄉雖其足跡所至彼都人士亦侈陳而樂道之雪泥鴻爪遺躅長留未始不足爲寓公重也

漢

張衡字平子南陽西鄂人嘗寓於隨今治東有臺乃衡讀書處也其賦南都曰天封大狐大狐山巍然治西蓋其

隨州志

卷二十八

僑寓

一

所常日覩者焉

漢東志

大狐辯詳見山志

唐

李白字太白隴西人生於蜀之青蓮鄉聞司馬相如大誇雲夢七澤之事遂來觀焉嘗讀書於白兆之桃花巖適隨而登漢東樓懷昔人報珠之故於是賦彼美及厲鄉慕長生之術訪紫陽先生於是賦神農又偕元叅軍遊仙城山過飲餐霞之樓擊節起舞於是又賦仙城憩蹟於此移三霜焉

全上

范愉方城人授安州掌書記五子致君致明致虛致祥致

厚皆從父居安州遂以安州籍相繼登第建五桂堂在

今府署後後致君徙於隨湖廣通志

諸葛覺 李繁爲隨州刺史韓愈與之善遂送其友諸葛

覺讀書於隨全上

五代漢

宋太祖 董宗本仕漢爲隨州刺史太祖依焉而寓於隨

詳古蹟

宋

隨州志

卷二十八 僑寓

二

王從吉彭城人眞宗時坐上書訟父冤除名配隨州

呂大防其先汲郡人祖通葬京兆藍田遂家焉大防以進

士及第元祐初拜尙書左僕射兼門下侍郎與范純仁

並位同心戮力以相王室復命以觀文殿大學士左光

祿大夫知穎昌府尋改永興軍未幾左正言上官均論

其隳壞役法右正言張商英御史周秩劉拯相繼攻之

奪學士知隨州貶祕書監居郢州徙安州兄大忠自渭

入對哲宗詢大防安否且曰執政欲遷諸嶺南朕獨令

處安陸爲朕寄聲問之大防樸直爲人所賣三二年可

復相見也

宋史本傳

戚同文字子約應天府楚邱人家世業儒幼孤養大母以孝聞遭晉末喪亂遂隱居不仕思維得見混一故名同文爲人純粹質直喜聞人善未嘗較長短所交皆文人名士楊徽之與唱酬有孟諸集二十卷長子維任隨州書記迎就養卒於漢東年七十三徽之與門人追號堅素先生

節錄宋史本傳

宋綬字公垂其先平棘人徙隨博通經史百家官至參知政事卒贈司徒諡忠獻子敏求字次道家藏書三萬卷

隨州志

卷二十八 僑寓

三

皆熟習著書甚富學者多咨之

德安府志

考宋史宋綬傳無徙隨事而我州已崇祀鄉賢當時未知何據從府志列僑寓從通志列耆舊俟再考

歐陽修字永叔廬陵人大中祥符三年父崇公終於泰州叔父口華時任隨州推官因卜居焉太夫人鄭氏攜公往依之遂家於隨貧無資以荻畫地教公書字稍長多誦古人篇章使學爲詩年十歲在隨家益貧借書鈔誦城南大姓李氏子好學多遊其家於故簾中得唐韓昌黎文六卷乞以歸讀而愛之爲詩賦下筆如成人仁宗天聖元年應舉隨州試左氏失之誣論其畧曰石言於

晉神降於莘內蛇鬪而外蛇傷新鬼大而故鬼小人已
傳誦坐賦逸官韻黜四年自隨州薦名禮部明道二年
正月以吏事如京師因省叔父於漢東年譜
尹洙字師魯河南人博學有識度知渭州兼涇原路經畧
公事與劉滬爭城水洛寺詔遣御史劉湜就鞠不得他
罪而洙以部將孫甫貸息錢嘗假公使錢爲償之迨按
問而錢已先輸官矣竟坐此貶監均州酒稅其後洙在
隨州而孫甫知安州過隨對語幾月無所不道而洙未
嘗一語及湜甫問劉湜欲致師魯於死而師魯不一言

隨州志

卷二十八

僑寓

四

及湜何也洙曰湜與洙本未嘗有不足之意其希執政
之意乃欲害洙蓋不能自樹立耳洙何恨於湜乎甫深

服其識量

節錄
通鑑

种諤字子正世衡子延帥陸誥薦知青礪城起所部兵城
綏州誥劾其擅興下吏貶秩安置隨州神宗因侯可入
見問其事可言諤奉密旨取綏而罪之何以使人帝悔

復其官

本傳

沈括字存中錢塘人學極該博於天文方志音律術數靡
所不通以龍圖閣侍制出知延州坐爭築葭蘆浮圖城

措置乖方貶均州團練副使隨州安置括既廢憤所學
之不盡施因綜覈本朝故實耆舊出處以及賓客諧談
著筆談行於世節錄本傳

尹洙沈括舊志列入官師今考二人本傳俱未嘗爲隨州官屬故移入僑寓辨詳官師表

韓川字元伯陝人紹聖中安置隨州

坐司馬光黨謫
參錄資治通鑑

邢居實字敦夫河南原武人年十四賦明妃引蘇子瞻見
而稱之由是知名未幾父恕貶隨州敦夫侍行病羸嘔
血一日有鈴下老卒驕慢應對不遜敦夫怒而擊之無
何卒死父怒以敦夫屬吏以故疾日侵而夭故黃魯直

隨州志

卷二十八

僑寓

五

爲之挽云詩到隨州更老成江山爲助筆縱橫眼看白
璧理黃壤何況人間父子情蓋隱之也呻吟集本序

袁垆字卿遠明州鄞人父灼左朝議大夫尙書倉部郎中
垆素軫念窮乏施予不倦侍倉部守隨寒士有來謁者
必訪其所寓以私錢給之時時造可食物散城外以惠
貧民或捐錢與之前後所濟不知其幾矣母石氏一臂
甚痛殆不能舉垆徧觀隨之城中佛廬像設有文體不
具者皆補足之費無所靳母中夜而寤曰臂不復痛伸

縮自如矣人□□爲誠感

絮齋集

元

馬讓陝西人至元時爲棗陽縣尹摧知隨州後兄馬謙弟

馬諮相依焉遂家於隨

舊志

明

李中字子庸少居隨正德二年湖廣鄉試第一九年成進士授工部主事抗疏忤旨謫官王守仁撫贛檄參其軍以預平宸濠功擢廣東僉事累官總督南京糧儲御史卒諡莊介學者稱平谷先生中守官廉嘗罷歸欲飯客貸米鄰家未至會日已暮竟不及飯而別通籍後又嘗

隨州志

卷二十八

僑寓

六

至隨有遊大洪山詩

參錄明史本傳

國朝

毛會建字子霞武進人詩文力追大雅善遊足蹟幾遍天

下屢至隨與梁木何操敬唱和恒主二子家

舊志